

御纂醫宗金鑑卷十七

訂正傷寒論註目錄

正誤

存疑

陶隱居名醫別錄合藥分劑法則

三陰三陽經脈圖註

傷寒刺灸等穴圖

御纂醫宗金鑑卷十七

訂正仲景全書傷寒論註正誤

存疑篇

仲景傷寒論篇篇可法但成於漢末傳寫多訛錯簡亦復不少如論中下利嘔逆用十棗湯峻劑攻之陽重衄血以麻黃湯發之發汗病解反惡寒病解之中多一不字心下痞按之濡濡字之上少一不字之類諸家遵經註解不得不穿鑿附會致令千古不可多得之

書不能傳信於世良可惜也今加正誤一

列明每條凡小字傍右者原文也傍左者改正之文也居中者原文所有或移上或移下或他處移入及原文所無而補之者也字上加□刪去者也尤有整節舛謬者三十五條證不與脈符藥不與病合雖有是方世無其病卽有其病難用是藥承訛襲謬無濟實用然其中尙有可採之句所以各篇不動經文強加註釋復錄原文附於卷末以誌闕疑云

太陽上篇正誤

桂枝湯方

桂枝

三兩 去皮

芍藥

三兩

甘草

二兩 炙

生薑

三兩 切

大棗

十二枚 擘

按

桂枝湯方原文有去皮二字夫桂枝氣味辛

甘全在於皮若去皮是枯木矣如何有解肌

發汗之功耶當刪之後倣此

若衄和其人煩目重

臉

內際黃者此欲解也

按

臉字當是瞼字瞼眼弦也作臉字非當改之

太陽中風不利嘔逆表解者乃可攻之其人𦑔𦑔

汗出發作熱有時頭痛心下痞鞭滿引脇下痛乾嘔

短氣汗出不惡寒者此表解裏未和也十棗湯主之

按

下利之下字當是不字若是下字豈有上嘔

下利而用十棗湯峻劑攻之之理乎惟其大

便不利痞鞭滿痛始屬裏病小便不利嘔逆

短氣始屬飲病乃可峻攻發作之作字當是

熱字始與太陽陽邪熱飲之義相合若無熱

汗出乃少陰陰邪寒飲真武湯證也且作字
與上下句文義皆不相屬當改之

太陽病下之其_促不結胸者此爲欲解也_浮

者必結胸也_緊者必咽痛_{細數}者必兩脇拘

急_{細數}者頭痛未止_緊者必欲嘔_{沉滑}

者協熱利_浮滑者必下血

按

脈促當是脈浮始與不結胸爲欲解之文義

相屬脈浮當是脈促始與論中結胸胸滿同

義脈緊當是脈細數脈細數當是脈緊始同

論中二經本𧈧𧈧浮滑當是𧈧數滑浮滑是
論中白虎湯證之𧈧數滑是論中下膿血之
𧈧均當改之

太陽病二三日不能臥但欲起心下必結𧈧微弱
者此本有寒分也反下之若利止必作結胸未止
者四日復下利之此作協熱利也

按

四日復下之之字當是利字上文利未止
豈有復下之理乎當改之

太陽病下之後𧈧促胸滿者桂枝去芍藥湯主之

若汗出微惡寒去芍藥方中加附子湯主之

按微惡寒之上當有汗出二字若無汗出二字

乃表未解也無加附子之理當補之

太陽病脈浮而動數浮則爲風數則爲熱動則爲

痛

數則爲虛

頭痛發熱微盜汗出而反惡寒者表

未解也醫反下之動數變遲膈內拒痛胃中空虛

客氣動膈短氣煩躁心中懊懣陽氣內陷心下因

鞭則爲結胸大陷胸湯主之若不結胸但頭汗出

餘無汗劑頸而還小便不利身必發黃也

按數則爲虛句衍文也當刪之

寒實結胸無熱證者與三物

小陷胸湯

白散

亦可服

按

與三物小陷胸湯當是三物白散小陷胸湯

四字當是錯簡桔梗貝母巴豆三物其色皆

白有三物白散之義溫而能攻與寒實之理

相合小陷胸湯乃桔萸黃連皆性寒之品豈

可以治寒實結胸之證耶亦可服三字亦衍

文也俱當刪之

太陽中篇正誤

發汗病不解反惡寒者虛故也芍藥甘草附子湯主之

按

發汗病不解之不字衍文也發汗病不解則當惡寒何謂反惡寒病解惡寒始可謂虛當刪之

病發熱頭痛衄反沉若不差身體疼痛下利清穀當溫其裏宜四逆湯

按

身體疼痛之下當有下利清穀四字若無此四字則當溫其裏之文竟無着落矣未有表

病而溫裏之理也閱後太陰篇中云傷寒醫下之續得下利清穀不止身痛者急當救裏四逆湯其義益明遵經補之

傷寒若汗若吐若下後七八日不解熱結在裏表裏俱熱時_時惡風大渴舌上乾燥而煩欲飲水數升者白虎加人參湯主之

_按傷寒之下當有若汗二字蓋汗較吐下傷津液爲多也時時惡風當是時汗惡風若非汗字則時時惡風是表不解白虎湯在所禁也

篇類此證者數條惟水入卽吐一條乃水不下行故無小便不利之文餘皆有小便不利四字今此四字必是傳寫之遺當補之

服桂枝湯或下之仍頭項強痛翕翕發熱無汗心下滿微痛小便不利者桂枝湯去

桂芍藥

加茯苓白

朮湯主之

按

去桂當是去芍藥此方去桂將何以治仍頭項痛發熱無汗之表乎細玩其服此湯曰餘依桂枝湯法煎服其義自見服桂枝湯已溫

覆令一時許通身熱熱微似有汗此服桂枝湯法也若去桂則是白芍甘草茯苓白朮並無辛甘走營衛之品而曰餘依桂枝湯法無所謂也且論中衄促胸滿汗出惡寒者用桂枝去芍藥加附子湯主之去芍藥者爲胸滿也今證雖稍異而滿則同其爲去芍藥可知當改之

傷寒醫以丸藥大下之身熱不去微煩者梔子

乾

薑湯主之

傷寒五六日大下之後身熱不去心中結痛者未

欲解也梔子

豉

乾薑

湯主之

按

梔子乾薑湯當是梔子豉湯梔子豉湯當是

梔子乾薑湯斷無煩熱用乾薑結痛用香豉

之理當移之

太陽病脈浮緊無汗發熱身疼痛八九日不解表

證仍在此當發其汗麻黃湯主之服藥已微除其

人發煩目瞑劇者必衄衄刀解所以然者陽氣重

故也

按張兼善曰麻黃湯主之五字不應在陽氣重之下豈有衄乃解之後而用麻黃湯之理乎服藥已之上並無所服何藥之文將此五字移於其上文義始合當移之

傷寒不大便六七日頭痛有熱者與承氣湯其小便清者知不在裏仍在表也當須發汗

若頭痛者

必衄宜桂枝湯

按

若頭痛之若字當是苦字苦頭痛方爲必衄證若是若字則凡頭痛皆能致衄矣當改之

心下痞按之不濡其脈關上浮者大黃黃連瀉心湯主之

按之濡當是按之不濡若按之濡乃虛痞也補之不暇豈有用大黃瀉之之理乎當補之太陽下篇正誤

小青龍湯方加減法內

若微利者去麻黃加

薤花如雞子大熬令赤

色

茯苓四兩

按加薤花如雞子大此必傳寫之誤考本草薤